


花果山

中華書局印行





A541 212 0020 8690B

小小說例言

一 本書文字淺顯，材料活潑；取名爲小小說，凡是已通文字的人，固然可以用牠做消遣品，就是略解字義的人，閱讀本書，也可以幫助他走上了通文的捷徑。所以本書不論在小學教育、民衆教育和家庭教育各方面，作爲國語文的補助讀物，都很適宜。

一 本書根據各種舊小說編成，取材都是最富有興趣的；並且每種都有一個不同的封面，繪成彩圖，鮮明悅目，尤其可以助人興味。

一 舊小說向來爲社會上所歡迎，不過在故事的本身，或者有傷風化的地方，本書對於這種材料，一概刪去；在文字上，或者有原文太深，和鄙俗不堪的，本書便重加改作，使讀者既容易領悟，且不致被惡劣的文字所同化。

一 本書每寫一段故事，只取應敘的事實，其餘繁文枝節，完全刪去；至文字分段，另行排列，目的是要使閱讀時，容易醒目。

一 本書用三號字排印，行款疏朗，絕對沒有字迹模糊，損傷目力的弊病；小本精裝，攜帶也很便利。



花果山

東勝神洲海外有一國。名曰傲來國。國近大海。海中
有一座名山。稱爲花果山。山頂上有一塊仙石。其石
有三丈六尺五寸高。自開闢以來。受天地日月精華。
感鬱既久。遂有靈通之意。內成仙胎。一日迸裂。產一
石卵。大似圓毬。見風化作一箇猴。名爲石猴。五官俱
備。四肢皆全。會行走跳躍。食草木。飲澗泉。採山花。覓

樹果。與猿鶴爲伴。麋鹿爲羣。夜宿石崖。朝遊峯洞。真是山中無甲子。寒盡不知年。時值天氣炎熱。與羣猴避暑。都在松陰之下。作爲頑耍之消遣地。甚自得也。一日。在山澗中洗澡。見澗水奔流。衆猴多說此種水。不知究從何處來。我輩今日偷閒。何不依着澗邊。到上溜頭。尋看源流。隨便頑耍一回。高喊一聲。衆猴一齊跑來。順澗爬山。直至源流之處。乃是一般瀑布飛泉。衆猴皆拍手稱揚說。好水好水。誰有本領能鑽進

去尋一箇源頭出來。並不傷身體者。我等卽拜他爲王。連呼三聲。忽見跳出一箇石猴。高聲叫曰。我進去。石猴卽瞑目蹲身。將身一縱。跳入瀑布中。睜眼抬頭一看。見此處卻無水無波。明明朗朗。只有一座鐵板橋。再上橋頭一望。宛似人家住處。極好異境。且看且想。甚有樂趣。

於是跳過牆來再看。只見正當中有一石碣。碣上刻有花果山福地。水簾洞洞天十字。石猴一見。好不歡

喜。既而瞑目蹲身。復跳出水外。打兩箇呵欠。高叫曰。大好運。大好運。我何幸而得此。衆猴聽說此言。急圍住。問曰。裏邊究何式樣。水有幾何深。石猴說。水是沒有。只有一座鐵板橋。橋邊是一座天造地設可愛之石屋。此水乃是橋下冲貫石穴。倒挂下來。將門戶遮閉。橋邊有花有樹。石屋內有石鍋。石竈。石盃。石盆。石牀。石凳。真是我輩安身之地。我輩都進去住。省得受老天之氣。豈不甚好。

是時衆猴聽得。箇箇歡躍。都說爾可先導。帶我輩進去。言畢。石猴又瞑目蹲身。向裏邊一跳。衆猴隨後都跳進去。跳過橋頭。一箇箇搶盆奪盃。佔竈爭牀。搬過來。又移過去。正是猴子頑劣之本相也。無一刻定時。直至力倦神疲而止。石猴坐既定。乃對衆猴說。人而無信。不知其可。爾輩纔說有本領。進得來。出得去。不傷身體者。就拜他爲王。我現今尋着一箇洞天。與爾輩安眠穩睡。各享成家之福。何不拜我爲王。衆猴聞

言。卽拱服禮拜。稱他爲千歲大王。從此石猴高登王位。將石字避去。遂稱爲美猴王。

猴王旣踞王位。領一羣猿猴、獼猴、馬猴等。分派爲臣下佐使。朝游花果山。暮宿水簾洞。不入飛鳥之叢。不從走獸之類。獨自爲王。享樂天真。何止二三百年。一日與羣猴會宴。忽然想去學仙學佛。與衆猴說明。衆猴鼓掌稱揚。都說善哉善哉。我等明日何不越嶺登山。廣尋仙品。大設筵宴。送大王行也。

次日。衆猴果去採仙桃。摘異果。割山藥。齊齊整整。擺開石磴石桌。排列仙酒仙穀。尊美猴王上坐。一箇箇輪流奉酒奉果。痛飲一日。次晨。美猴王早起。折許多枯松。編作渡筏。取一竹竿爲篙。獨自登筏。儘力撐開。飄飄蕩蕩。向大海飄去。連日東南風緊。將他送到西北岸前。卻是南瞻部洲地界。棄筏登岸。只見海邊上有人捕魚打雁。挖蛤淘鹽。乃走近前來。就弄把戲。粧一活虎。形象凶猛。嚇得彼輩丟筐棄網。四散奔跑。將

跑不動者。拿住一箇。剝脫彼之衣裳。也。學人穿在。身上。搖搖擺擺。越州過府。日在市塵中。學人禮。學人話。朝餐露宿。一心訪問佛仙之道。要尋一長生不老之方。以慰其初志。

過了七八年。無緣得遇。忽行至西洋大海。想着海外必有神仙。獨自箇依前作筏。又飄過西海。直至西牛賀洲地界。登岸徧訪多時。忽見一座高山。他也不怕。蛇蟲虎豹。直登山頂。正觀看間。忽聞得林深處有人。

言語。急忙穿入林中。側耳而聽。有相逢處。非仙卽道。靜坐講黃庭之語。聽着。滿心歡樂。意謂神仙可藏在此處。急忙跳入裏面一看。乃是一箇樵子。在彼處舉斧砍柴。猴王近前。恭恭敬敬鞠躬而叫曰。老神仙。弟子行禮。樵子聞言。慌忙把斧丟去。轉身答禮說。不敢當。不敢當。我是拙漢。不是神仙。但我卻與神仙相鄰。猴王說。爾家既與神仙相鄰。求你指點神仙住處。讓我去找他。樵子說。此去不遠不遠。此山叫做靈臺方。

寸山。山中有座斜月三星洞。洞中有一箇神仙。稱爲須菩提祖師。祖師之徒弟出去者甚多。現今還有三四十人。從他修行。爾順此小路而走。向南行七八里遠近。就是他家。

猴王一聞此話。急忙辭謝出林。走七八里遠。果然望見一座洞府。挺身觀看。但見洞門緊閉。靜悄悄杳無人迹。忽回頭見崖側立一石碑。刻有靈臺方寸山。斜月三星洞字樣。心中十分歡躍。正注視間。忽聽得呀

的一聲。洞門開處。裏面走出一箇仙童。高叫曰。何人在此騷擾。猴王上前鞠躬曰。我是訪道學仙而來。不敢在此騷擾。仙童笑曰。你是真訪道否。猴王說是。童子說。我家師父正在登壇講道。還未說出原由。就教我出來開門。說外面有箇修行弟子到來。可去接待。想必就是你。猴王笑道。是我。童子乃謂可隨我來。猴王因整衣端肅。隨童子一路而走。徑入洞天深處。直至壇下。乃見菩提祖師。坐在壇上。兩邊有三十

箇小仙侍立壇下。森嚴氣象。幾乎不可逼視。猴王一見。倒身下拜。磕無數頭。口中只說師父師父。我弟子志心朝禮。祖師說。你是何方人。可說一鄉貫姓名來。猴王說。弟子乃東勝神州。傲來國花果山。水簾洞人。祖師說。你何姓。猴王說。我無性。人罵我。我不惱。打我。我不怒。犯而不校。一生無性。祖師謂不是此性。你父母何姓。猴王說。我也無父母。祖師說。既無父母。想必是樹上生的。猴王說。我不是生在樹上。卻長

在石裏。我只記得花果山上有一塊仙石。是年石破。我便生也。祖師暗喜。以爲彼如此來歷。卻是天地生成。成就說爾起來走走我看。猴王縱身跳起。走過兩遍。祖師笑曰。爾卻像食松果之猴。我就向爾身上取一姓。叫爾姓孫。猴王聞之極喜。朝上亂叩頭。說好好好。今日方知姓也。然既有姓。乞再賜一名。方好呼喚。祖師謂我門中取名有十二箇字。排到你正當悟字。可稱悟空好否。猴王說。真好真好。自今就叫做孫悟。

空也。

猴王既得姓名。百般歡喜。對菩提前作禮啓謝。祖師
卽命大衆引孫悟空出二門外。教他灑掃應對進退
周旋。悟空又拜過大衆師兄。就於廊廡之間。安排寢
處。次早與衆師兄講經論道。習字焚香。閑時卽掃地
鋤園。養花修樹。在洞中忽忽不覺。倏已六七年矣。
一日。祖師登壇高坐。開講大道。孫悟空在旁聞著。心
喜過望。抓耳撓腮。眉花眼笑。忍不住手舞足蹈。祖師

看見。問孫悟空。爾在班中。何爲顛狂躍舞。悟空說。弟子誠心聽講。聽到老師父妙音處。喜不自禁。不覺跳躍。望師父恕罪。祖師說。爾旣識妙音。我且問爾。爾到洞中。有多少時候。悟空說。不知道。只記得常到山後打柴。見一山好桃樹。我在此處吃過七次飽桃矣。祖師說。此山名爲爛桃山。爾旣喫過七次。卽已七年。爾今要從我學習何道。悟空說。憑尊師教誨。但能學得長生不老之術最妙。祖師聞言。故意授以種種他法。

悟空種種說不學。祖師忽咄的一聲。跳下高壇。手持戒尺。向悟空說。爾橫不學。豎不學。究欲如何。就走上前將悟空頭上。連打三下。倒背著手。走入裏面。將中門關閉。撇卻大衆而去。嚇得一般聽講之徒。人人驚懼。皆抱怨他。是時悟空仍一點不惱。面露笑容。當時猴王已識箇中關鍵。默記於心。祖師打他三下者。教他三更時分留心。倒背著手。走入裏面。將中門關上者。教他從後門走進。祕處傳他道也。是日悟空

只想早寢。一到黃昏。與衆同臥。已則假合眼定息存神。約到子時前後。輕輕起身。穿好衣服。偷開前門。走至後門外。就側身掩進。直走到祖師寢榻下。正在跑時。見祖師已醒。悟空拜而叫曰。弟子在此。祖師知是悟空。起身披衣盤坐。喝曰。你不在前邊去睡。到此何爲。悟空說。師父昨日壇前。教弟子三更時候。從後門入。傳我法道。故敢逕拜榻下。祖師聽說。暗想他真是天地生成。故能識箇中關鍵。因不再問。

悟空於是又要求祖師傳長生之道。祖師謂爾今有緣。我亦喜悅。爾近前來。傳爾長生之術。悟空叩頭致謝後。洗耳恭聽。跪於面前。祖師說。變化有三十六般。有七十二般。爾要學何種變化。悟空說。弟子之意。越多越好。願學七十二般變化。祖師說。上前來。傳與你口訣。遂附耳低言。不知說出如何妙法。此猴王也是靈通百竅。習過口訣。自修自鍊。將七十二般變化。件件學成。一日祖師問悟空。事成也未。悟空說。蒙師父

恩。弟子功課完畢。已能飛昇天空。祖師說。你試與我看。悟空欲獻本領。將身一聳。卽離地數丈。踏雲而去。未幾又落在面前。叉手說。師父。此就是騰雲。祖師謂此還不能算騰雲。只可謂爬雲。所謂騰雲者。四海之外。一日能遊徧是也。悟空說。此甚難能。祖師說。世上無難事。只怕有心人。依爾翻騰用勢。授以觚斗雲。最合。當時面傳口訣。是夜悟空卽運神鍊法。學會觚斗雲。從此無束無拘。逍遙自在。一觚斗能翻十萬八千。

里路。一日與大衆遊於松樹下。大衆對悟空說。你已能變法。試變與我等看。悟空正欲獻本領。叫大衆出一題目。大衆就說變一松樹。悟空念一咒訣。搖身一變。卽變成一顆松樹。

是時大衆見之。一齊喝采聲喧。祖師聞而大怒。謂爾輩何得在此喧擾。大衆謂不敢瞞師父。方纔孫悟空變法。弟子們揚聲喝采。致驚我師。乞恕罪。祖師當時叫悟空過來。略責一二。謂此種法道。何得輕易賣弄。

爾欲保全性命。盍早回去。悟空聞言哭告曰。師父叫我往何處去。祖師說。你從何處來。便從何處去。悟空恍然悟曰。弟子自東勝神州傲來國花果山水簾洞來。祖師說。快去纔好。悟空謝過。念著口訣。翻一筋斗。已回東海花果山水簾洞矣。

悟空一到。有千千萬萬猴子一齊跳出。將猴王圍在當中。叩頭叫曰。大王何爲一去許久。把我輩閃在此處。近來有一妖魔。強要占我輩洞府。我輩捨死忘生。

與他爭鬪。被惡魔捉去許多子姪。大王若再不來。我等連山洞恐又要屬他人矣。悟空聞說大怒曰。何處妖魔。膽敢無狀。我將尋他報仇。衆猴說。彼自稱混世魔王。住居在北海。道。悟空說。此去不知幾多里。衆猴說。他來時風。去時霧。不知有多少路。悟空聞言不語。將身一縱。卽跳出去。一箇筋斗。就至北海。道。息下一看。見一座高山。十分險峻。正觀看間。只聽得有人言語。就下山尋覓。忽見有箇水臟洞。門外有幾箇小妖。

跳舞。見悟空因問曰。你是誰。悟空說。我是南方花果山水簾洞洞主。爾家有自稱魔王者。屢次來欺我兒孫。我欲與他一角上下。小妖聽說。急忙跑入洞裏報曰。大王禍事來了。洞外有猴頭。自稱花果山水簾洞主。說大王欺他兒孫。特來此欲與大王一角上下。魔王笑曰。此是猴精。聞已修行去。今恐已回來矣。他如何打扮。手中有何兵器。小妖說。沒有。但光著箇頭。穿一領紅色衣。勒一條黃縑。腳下踏一對烏靴。不僧不

俗。又不像道士。赤手空拳。魔王聞言。卽穿甲冑。拿鋼
刀。與衆妖出門高叫曰。誰是水簾洞主。悟空卽睜眼
觀看。只見魔王頭戴烏金盔。身挂阜羅袍。外罩黑鐵
甲。足穿黑皮靴。腰廣十圍。身高三丈。手執一口刀。悟
空喝曰。爾惡魔如此眼大。看不見老孫。魔王見之笑
曰。你身不滿四尺。年不過三旬。手中又無兵器。如何
大膽猖狂。要來與我角手。悟空罵曰。好大惡魔。輕量
我小。要大卻也不難。量我無兵器。我兩隻手勾著天

邊月裏。你不要怕。快吃老孫一拳。縱一縱跳上去。劈臉就打。魔王乃伸手擋住。曰。你矮我長。你用拳。我用刀。殺死爾。徒爲人笑。我放下刀。與爾角箇拳。魔王卽丟刀便打。焉曉得悟空身小。鑽進去相撞相迎。彼此一衝一撞。到底長拳空大。矮簇堅牢。魔王竟被悟空重打。受不住。閃過來就拿鋼刀向悟空劈頭一砍。悟空急打一跛。他砍一箇空。悟空卽用身外身法。拔一把毫毛。丟在口中嚼碎。向空噴去。叫一聲變。卽變成

二三百箇小猴。原來悟空得道後。身上有八萬四千根毛。根根能變。今變成小猴。將魔王圍繞。抱的抱。扯的扯。鑽襠扳腳。扯毛挖眼。弄得魔王不自主。悟空就奪得刀來。分開小猴。照頂門一刀。砍爲兩段。殺進洞中。將一般大小妖精。盡行勦滅。再把毫毛一抖。收上身來。又見有收不上身者。就是魔王在水簾洞擄來之小猴。約有三五十箇。悟空說。爾輩快出去。隨卽洞裏放起火來。把水臟洞燒成一片焦土。乃對衆說。

爾等可跟我回去。大家一齊合眼。猴王念聲咒語。駕陣狂風。雲頭落下。叫聲睜眼。衆猴腳踏實地。認得卽是家鄉。箇箇快活。都奔洞門舊路而去。

是時在洞衆猴。見猴王與其餘小猴同來。一齊簇擁而入。羅拜猴王。於是安排酒果。接風賀喜。因問降魔之事。悟空向衆猴細說一遍。衆猴驚喜交集。謂大王此種本領。究從何處學來。悟空說。我當年別汝等。飄過東洋大海。到一洲。住八九年。未曾得道。再渡西洋。


大海到一洲。訪問多時。幸遇一老祖。傳我與天同壽之祕訣。及不死長生之妙法。衆猴乃稱賀不已。悟空因笑曰。我現今已有姓氏。一門皆受其賜矣。衆猴問大王姓甚。悟空說我今姓孫。法名悟空。衆猴聞之鼓掌。忻然曰。大王是老孫。我輩都是二孫。三孫。細孫。小孫。一家孫。一國孫。一窩孫矣。都來奉承老孫。大盆小碗。椰子酒。葡萄酒。仙花仙果。卻有合家歡之趣味。猴王一日教小猴操演武藝。砍竹爲標。削木爲刀。治

旗旛擊金鼓。頑耍多時。忽然想起我輩頑耍。或人王禽王疑我輩操兵造反。興師來殺。此等竹竿木刀。如何對敵。須得鋒利劍戟方可。而今奈何。衆猴聞之。箇箇驚恐。正在說間。走上四箇老猴。兩箇是赤尻馬猴。兩箇是通臂猿猴。在面前說。大王若要鋒利器械。甚易。由本山向南去二百里。有一島。乃傲來國地界。島中軍民無數。必有銅鐵等匠作。大王若到彼處。或買或造。此兵器攜歸。教練我輩。此計之得也。悟空點頭。

默許。急翻一筋斗雲。果然二百里外有一島。人煙稠密。煞是熱鬧。悟空想來此處定有現成兵器。等我下去買他幾件。既而一思。還不如使箇神通。向兵庫內密取幾件。就念著口訣。望地上吸一口氣。吹出去。便是一陣狂風。飛砂走石。風起處。驚散島中軍民。街市都關門閉戶。無人敢走。悟空乃按下雲頭。逕闖入兵器館武庫中。打開門。鑽進去。見裏邊十八般兵器。件件俱備。心喜無量。惟想我一人能拿幾件。不如用箇

分身法。都可搬去。乃拔一把毫毛。嚼爛噴出。念咒叫變。變做千百箇小猴。都亂搬亂搶。搬箇乾淨。逕踏雲頭。弄箇遁法。帶領小猴。同回本處。猴王按落雲頭。將身一抖。收住毫毛。將兵器亂堆在山前。叫曰。小猴們都來領兵器。衆猴聽見一聲來。皆趕去搶。小奪劍。拿斧。抓鎗。彎弓。扳弩。吆吆喝喝。頑耍一日。次晨。依舊排營。悟空會集羣猴。計有四萬七千餘口。早驚動滿山怪獸。各種妖王。共有七十二洞。都來參拜猴王爲尊。

轟轟烈烈。當時花果山何等熱鬧。



上海图书馆藏书



A541 212 0020 86908

(終)

民國六年八月發行
民國廿一年九月七版

(小 小 說)

◎ 每冊定價銀五分



編輯者 中華書局

發行者 中華書局

印刷者 中華書局

印刷所 中華書局

總發行所 中華書局


分發行所 各省中華書局

上海靜安寺路哈同路口

上海棋盤街

44162

只列
一
六
八
八
八
八
八



標商冊註



(小
小
小)

著
者
名
稱
正
本

中
華
書
局
中
華
書
局
中
華
書
局
中
華
書
局
中
華
書
局

405021

1663940